

Kuantar: Seramai 200 pelajar aliran sains menyertai Program Kecemerlangan Akademik Empower Matematik Tambahan dan Fizik anjuran Majlis Pembangunan Wilayah Ekonomi Pantai Timur (ECERDC) dengan kerjasama Universiti Malaysia Pahang (UMP) di sini, baru-baru ini.

Peserta terdiri pelajar lima sekolah menengah di Pekan iaitu Sekolah Menengah Kebangsaan (SMK) Lepar, SMK Indera Shahbandar, SMK Seri Pekan, SMK Peramu Jaya dan SMK Nenasi.

Pengurus ECERDC Wilayah Timur Azizi Ibrahim berkata, tujuan utama program itu untuk meningkatkan kemahiran menjawab soalan Sijil Pelajaran Malaysia (SPM) membabitkan dua subjek berkenaan.

Selain itu, katanya, ia juga dapat menukar semangat dan meningkatkan keyakinan pelajar untuk menghadapi SPM pada November depan.

"Pelajar diberi pendedahan teknik menjawab soalan lebih efektif, tepat dan cepat.



PELAJAR diberi penerangan ketika melawat bengkel kajian di UMP.

Dengan cara itu mereka lebih yakin untuk mencatat keputusan cemerlang dalam peperiksaan.

"Program kali ini susulan program sama diadakan pada Jun lalu kepada pelajar berkenaan, kita yakin peratusan keputusan SPM te-

rutama subjek Matematik Tambahan dan Fizik akan meningkat," katanya.

Beliau berkata demikian pada majlis penutup program berkenaan yang disempurnakan pensyarah kanan UMP Prof Madya Dr Mimi Sakinah Abdul Munaim di Dewan

UMP di sini, kelmarin.

Pelajar SMK Seri Pekan, Ahmad Akmal Mohamad, 17, berkata, beberapa teknik mengingat dan menjawab soalan diajar oleh pensyarah sepanjang program itu dapat memudahkannya menjawab soalan.